



薪齋三集序

詩文非學問可得工者也性情
之事有道德者能焉耳有道德
者性情必真發爲詩文奇正鉅
細無往弗傳豈數行墨劄不朽



乎哉性情不朽耳故生於今日
以召千禩後先立於一隅以通
彼都人士無不如白日竿影之
隨黃鐘子母之應所謂性情奈
何難言矣柳下之惠墨胎之清
逢比之忠騫參之孝劉之芟邕
之痴穀是臧非機笑衢哭不知
其然而然求助他人得乎然必
如是乃可言性情乃可言詩文
乃可召千禩都人士之心自非

然者彫容腴腴窮年皓首與一
言之傳不可得呂全五先生少
年甲第擅風雅之壇鷄林價重
虎觀名高入司喉舌出領方部
何所多讓而先生慼慼然憂天
憫人其詩文滄滄涼涼如不得
意士年來涉歷事變靡所弗經
及長歎掛冠驚顏荷耒其詩文
洩洩融融若駱風騎龍敖翔赧
表於是知先生所謂性情之事

有道德者能焉耳計余聞聲慕
者十年奉教者五年知先生最
深先生知余正不易昨自楚解
組歸士民數萬遮道攀轅悲號
輟市如不欲生又誰爲之性情
爲之耳先生忠孝聰明爲文章
諸體悉備經術子史老釋禪乘
之書無不究精微宏麗高渾清
新之辭無不工或者謂古逼徐
庾近擬溫李豈其然哉先生三

序四
集成復寄命余序憶甲午夏先生爲余敘南遊集余亦爲先生序二集道先生經濟盛事先先生曰非吾志也然則好古敏求生自得之後世讀斯集者偕得之小子何知知其性情真爲必傳之業而已

康熙龍飛壬寅七月旣望舊治年家眷晚生顧景星拜書於蘄州之道南草堂



呂全五薪齋三集卷之一

詩

鷺湖華子寒沙花笑亭歌

贈浙憲副盧遠心八月誕辰

贈浙制臺趙君隣公祖

新安方君任五月降辰

越江秋夜聽董友言愁

錢塘漁泊

泥汊口

全五三集
叔祖叔通翁贈夢月翁花甲詩時已百年矣讀
之泫然感和三首夢月翁工縣駒之曲能爲
我掀髯起舞否 三首

適屆襄周叔初度再和一首

題楊荆生翳然書屋

綠萼梅

孔聖

王耐菴茂才新築永昌三石橋頌

胡慎三侍御得鳳尾焦一顆莖幹扶疎幾二十

四葉菁葱可愛忽焉凋落而太母虞夫人告

殂至三年服闋日重生一枝宛然二十四葉

爲孝子哀樂之報云

虞山春培侄小築芝生慶母

錢湘靈孝廉元配陳超珍絕筆志感

懷遼水佟繼亭先生爲方伯壽民公祖怡侍之

戚

贈占恒伯九十

壽秦母于太夫人時內翰次游請 假初旋

華扶欄進士尊慈陸太君初度

贈和六大哥

送錢隱君庄居

贈顧震來處士

金侶凡之母吳孺人二十味相今庚子七表矣

贈王經原太翁

奉和總制郎一柱公祖

過許關懷正始宗兄民部

陳本符師節霞山房詩編幾盈萬首酌酒贈和

十四首

劉震修文學偕使君

北上賦餞

二首

賦江陵胡孟常先生理學

四首

讀天全宗翁典學識大諸書

聞琵琶

村兒

薔薇花中有名佛見笑者

秋夜

杜康巷

金三集
皆下

宿四留齋與周亨之劉子長夜話 二首

夏口城下

李太白

麗人

宿瘤女歌

新婦吟

贈華象孺文學爲余壻雲九尊人

奉和顧震雉水部孟秋侍饗 太廟兼呈舊來

銓部

祝馬銓部玉筍尊慈

冬日送曾庭聞孝廉北關水次

周櫟園總憲南歸白下龔芝麓少司空作詩十

章送之境上余忝年未亦效顰爲之但彼以

贈予以迎義有攸分叶韻小異想河梁之作

不厭其嘽嘽也 十首

讀書之要曰虛曰專最蓮頤兒暨徵公諸猶子
家貞九暫憇小桃園卽有終南之行附施稚芳

遙贈

為施有一尊慈湯太君七十慶

袁重其尊慈八十味

遊用甫弟鄉庄

鶯花詞

福州榴花洞

秋思

代妓送友

湯潛儒茂才患背痾人意其必死竟不死乃更

號忍菴於八月懸弧之辰索詩慰藉

吳父母伯成鼎建譙樓頌

卷之二

詩

為吳廣成尊慈徐孺人頌

寒江

美人

贈吳江彤雯弟茂才

和王烟客年伯七十自詠 四首

金華三集
宓妃吟書呈高爾芬 二首

爲秋海棠羞金鳳花

織女諸星歌

七夕定山小飲

石首令陶石長餞行江上僧舍得新月

宿夏口

逢采采妓

偶見

蕪湖江中望孫夫人

贈趙隱君玉潤

送內翰程翼蒼由蘇學正之任北雍

送邑侯黃郁巖還鄆州 四首

寄懷陳淇瞻司李臨安任所

秋晚觀澣者

淘河船

妓女折李子

楚歸宿磨盤墩

采石山訪陶宜之村落已暮

與九儀爾長兩兄暨震乾侄香令恂令兒遊鄧尉山途遇名姬作

嘲外史

與朱方仁羽士談養生呈施慎五

楚寓與熊進士雪巖

二首

與維夏觀文暨公顯載錫侄擬流觴曲水故事

開州旅宿望子路墓

讀司馬長卿凌雲賦感懷劉長卿

宿鱗魚嘴

薛門呂氏姑母榮節

金閨項母方孺人八十

社飲偕秦公盤侯駿聲吳子沂同眺

偶吟

臨安懷古

與古閒和尚

漁家樂

張敬修八十翁連環曲

早發京口

過龍江關

過邯鄲仙祖祠見盧生睡像

為竺道生演法

登閔江樓懷宋學士濂

讀古偶懷

懷魯仲連

悲顧抱玉蒙師

馬翼雲師命賦花雪二字每句雪花相連時年

九歲口占成誦今錄之四十餘春不覺其髮

如花心如雪也

挺秀堂會集和錢礎日韻

臥雲堂宴集并和

壽渠丘劉母李太夫人

無知和尚錫山開講和鄒木石年兄

楚卿夜渡呈盧澹園先生

田家辭

過維揚

劉彙升尊人震東日耆之慶

鄒晉年原配徐孺人投淵殉節

廣濟劉諱洪瑤吳諱瑾兩孝廉訟獅頭山風水
五年不決余蒞任斬陽怪之不遠二百里親
詣葬所見其上純石無土又無草木歎曰此
石山之童者耳訟何益吳族有枯骨二甌盜
葬其中急命土人掘之見白蟻纍纍骨已爲
灰吳知吉壤之非劉知龍腦之謬各無言而
退是日宿馬口寺中作

登九龍山石門與徐魯詹語

與練川扶風談翁

懷王仙客無雙故事

秋日湖景陽井遺蹟

贈荆溪蔣衷衍茂才爲曹心廣見訪

祝臨安陳又參之母徐孺人

錢塘晚寓

余在蘄陽得古靈壽杖一枝與瀛芝兄進與
占恒伯爲一時嘉瑞喜而作歌

題王石谷畫幅

賀梁冲天大都督

張學憲玉甲重修邵文莊公二泉書院落成
汝陽旅店訪葛洪陂不值

縉雲登吏隱山有感

虞姬墓

爲嚴子惠京祝其尊人孟虎先生尊慈宗孺人
輓嘉禾鍾琴俠之母沈孺人

祝劉正平令配周孺人

爲陳淇瞻司李尊慈邵太孺人慶

送蔣路然虞山讀書

施有一文學之母湯太君五十

琴友謝客巖虔奉純陽仙祖

送張玉甲學使 北上排律

楚邸中蒙官百朋憲長屢次設醴席中奉謝

爲繡裳弟之恩撫姑龔氏表節

爲許子潤尊慈李節母

九日澄懷諸子集碎疆園論畫爲沈子尹在賦

許孝子割股療母

全五三集
蔡茂卿工花鳥已躋稀齡

重九後一日吟齋諸子集薛偉楚兄含綠堂分

韻

壽陳敏公之母

鈕孟達之長君元翼能世其醫羣季亦濟濟賦

呈岐杏高丈同術

練川王研存年伯幼子就塾

祝松陵沈留侯年友尊慈康太夫人

過上津橋訪朝真觀朱力仁羽士

崑山令李仲展先生祝言和鄒中翰際五

爲徐坦齋封君暨元配顧太宜人慶

卷之三

詩

襄周叔稀齡鄉庄酌酒時韶宣中孚殿臣執觶

與龔馴玉晚遊壽生菴遇昔緣上人

爲爾長仲兄慶

贈秦君隣年伯

家有剔牙松一枝生石洞中大可八圍曹易菴

憲副暨誠之伯兄小飲其下屬詩見賞如韻
奉訓坐中君隣邇光慎三公眉鐵菴輩與余
登眺為樂數比之八仙云

學博朱霜劬之母錢太君苦節

贈陸隱君

訓馬文學公翁

贈吳未超文學兼呈芝亭先生

蜀中張雷溪年兄招飲高梁河上時崑水僧在

坐談蜀名勝麀麀

送邑貳尹彭述之轉漕

北上

計公遠山人携畫片

北上戲題

春日晚酌

憶申屠有涯醉吐瓷餅故事

秦以吳邀飲山園歌友文娥竝集

陳懋章隱君伉儷初度

秋思

胡雲翼尊慈張孺人週甲

湯醫士節母陳孺人

孔聖吟

采石江訪太白捉月處不得

踏青卽景

客思

酒星歌

醉吟古

春夜

卓文君

宿行春橋畔

梅花曲

宮詞

有感

吳公亮伉儷齊眉喜其有子

為王野修尊慈鄒孺人賦輓

與陳道兄又參

奉和畢滄湄司李之祖母李太夫人悅辰

為畢心傳先生績學和高彙旃趙月潭諸公

過銅棺山下

全五三集
瓶花

東亭別業

懷周仲開師教澤兼賦伊兄公彥先生

悲與幾叔茂才不遇

贈湯茂才忍菴

四首

吳邑侯伯成尊慈孟太恭人輓詞

奚山適浦妹孀哀曲

生公石

春遊

偶寄

爾嘉伯兄場後

華藏禪僧志果七十

聞溫州肖像祠至今有尸祝者

贈胡八水年兄給諫

贛榆張孝子未昭學博廬墓歌

武林吳威卿孝子誄

又吳威卿客死金陵輓辭

祝馬未生之母馮孺人

全五三集
秋夜宴王方伯龍友月坡上

金錢花

臧忍菴妻小同乳歌

王孝子五芝割乳療母

輓王雯紫之伯母顧孺人爲汝京公原配

爲婁東聞門節婦呂氏侄女

輓錢貞女合葬

贈高醫士鴻術

感晉陽宮故事

劉先主

關公

張公

諸葛君

之楚黃下江任

小青詩

讀李贄反騷文

屈平

儼鸞箋

洛女

侯北鄙乾中儀部仙蓓齋頭夜賞西府

過金閶市

王君公

芭蕉行

石塘橋

臨安憇陳與參村舍望宋時園陵故址

琴川申道元洞中見常樂隱者

秋日過浦集生用和鄉庄忽焉度歲

寄輓揚州曾公善夫

陳州陳母李孺人節孝辭

程西毓文學元配徐孺人輓辭

錫馨姪燕邸中見寄梅花一本

集曹易菴野秀堂觀梅得人字

許南吉索詩寄慰

贈潘隱君九一

廣陵許君仲容介眉詩爲其胤力臣師六二兄

祝

過露筋廟

龔駟玉村居和許中部雲章作

清風店沽飲

望仙

旅夕

錢塘詠古

吳江舟次 二首

與德牟

蔣節母盛孺人五表祝言

畢淄湄司李改補還朝

李念莪邑令改選還京

蘇子瞻過安平得泉遂名安平泉道經作

卷之四

論

周易先後天論

易學諸家論

古今尚書論

毛詩風雅頌論

詩樂雜論

周禮論

禮記論

春秋論

春秋三傳論

序

公賀楚廉使管瑞吾丁酉春榮轉閩藩序

卷之五

序

公賀田心耕榮轉臨江大叅序

公賀龍洲于公榮
簡粵西大中丞序

陶石長詩集序

鼎建漢壽亭侯
關聖廟序代

公賀楚憲副卞月華榮晉苑馬卿寺序

楚學使狄陶隣選牘序

楊泗水書畫冊葉序

袁重其尊慈霜哺篇序

比部侯乾中暨元配秦夫人齊眉序

大叅盧澹崖蘄州志序

王山人奕鴻序

業旃弟生母陳孺人壽序

聖生侄行卷序

為楊荆生贈其姻友盧杼赤序

侯駿聲聞臯社序

王孝廉季鴻時文序

李太醫六十序

蘭生

崑山吾宗呂母蔡孺人八十壽序

代

卷之六

序

倪處士遊草序

錢隱君庄居序

優曇集序

三知編序

于總戎文集序

春培侄詩艸序

臨安馬隱君序

記

王孝子五芝積制錢成寶相記

又讚

傳

陶令孀母李孺人傳

過母劉太孺人傳

小傳

雪川臧忍菴文學小傳

楊母徐孺人小傳

引

昭君夢還漢宮雜劇引

鄒子清閨曲引

贈沈文學小引

族弟隱仙僧畫圖小引

讚

中峰蒼雪法師讚

贈龔處士駟玉

贈王五痴

五芝

贈盛隱君 各行

崑峰鑑山公像贊

訪戴圖贊擬宋人沈邁作

芝谷姚公像贊

過隱君讚 復齋

唐隱君像贊 少巖

楊荆生茂才像贊

楊為章文學小像

先外祖懷江秦公讚

黃臬倅小像 芝晚

沈茂才讚 大邦

卷之七

紀

家叔兄爾儀論圍棋三國手紀

爾儀叔兄酷嗜圍棋紀

紀爾嘉伯兄語

再紀爾嘉伯兄語

碑記

全五三集
鼎建 關聖帝君神廟碑記 代

法緣上人血書經預券碑文

墓表

贈承德郎季準唐公暨 封元配成安人墓表

誄

江右南城徐養貞年伯誄

諱德耀太史徐仲光諱芳之尊人

江邦維之先妣錢孺人誄

文

祭吳封翁文 玉公文

梅村嗣父

祭鴻臚孚魚公文

祭黃埭茂才應時公文

祭太倉族嫂陳恭人文

祭山東李門程太孺人爲吾年友逸羣公之配

祭族母施太孺人暨嫂氏施孺人文

祭侯室 誥封秦太孺人文

祭梁封翁大都督文

冲天提督之尊人

祭趙母高太夫人文

浙制臺君隣趙公尊慈

卷之八

文疏

募修水口 關聖祠疏

勸修雪浪菴疏

滁州黃連舖施茶亭疏

題

題春培侄虞山瑞芝圖

題李公瞻冊葉

跋

葉九來花信詩跋

張處士詩跋

寒山寺天與上人手卷跋

書錢礎日遊燕楚二記後

錢君實刊施法華經跋

書

復錢鶴侶書

與爾嘉長兄書

復盧澹園大叅索蘄州志

與徐魯詹茂才遊草菴約

說

孔孟告老說

面壁說

獲珠說

外傳

家貞九道人傳

隋司徒歷封武烈帝陳公傳

薪齋三集卷之一

黃家舒漢臣評

錫山呂陽全五著

兄自咸誠之閱

詩叶正韻

鶯湖華子寒沙花笑亭歌

花笑亭。花正春。鶯啼楊柳含清新。鵝湖畔。啟荆榛。俯仰開華甸。登涉小平津。隔岸桃花發。兒童引我入朱閨。滿院繁華楊太真。花笑亭。花入夏。黃柑初雨黃鸝。

嫁鵝湖邊人轉暇高吟覺有餘一夢渾無詫薰風來
 晚涼芳姬手把紅蓮架菱花低向荷衣下花笑亭花
 已秋蟋蟀聲中大火收鵝湖水一仙洲茶烟和月淡
 酒味入泉愔華林應不遠支道高談慧水流岳僧書
 法烟嵐浮花笑亭花又冬寒爐撥火磨麻濃鵝湖上
 數芎藭瘦成買鳥樣肥與卜商同嘶鴈何孤咽木奴
 窓下垂金紅菓實相將諸父兄我笑花花欲老春風
 面柳多芍藥承恩早翠滿亭君莫掃蘭澆深罨畫溪
 邊東林有日西林曉却喚袁州鄭鷓鴣侯家錦幕多

霜草我笑花花似客山精及野躑來往殊顏色綠滿
 亭君莫惜蓮偷夜雨作滄珠流入迴欄聲浙浙投竿
 波動白魚鮮卷幔光搖丹鳥碧花笑君君且休種薑
 不用千戶侯種秫不須千畝丘風之夕月之夜此優
 游恰如詹父漾虛舟亭更幽六朝臺榭無人管秋蛩
 空鬪半閒樓祇聽黃昏鳥雀愁花笑君君且處瀑布
 非瀑千丈冰叅禪非叅千偈語風之夜月之夕此延
 竚坐破茅簷一老禪亭如許花入閒亭花倒眠亭作
 花臺亭四舉惟見寒沙散花雨

漢臣云輕艷如綺如雲流宕似歌似舞想薪齋筆
花亦復垂垂欲笑
誠之云春江花月夜篇同此流麗却遜此想出意
表如有神助

贈浙憲副盧遠心八月誕辰

興國州人

繡虎文章出絳霄容城車馬動漁樵
冰心不掛珊瑚
網雨氣能抽玉筍條仙棗千年吞海日
靈槎八月弄
江潮憐余素攬滄浪勝移取紅蓮到六橋

漢臣云仙女天衣有金縷單絲錦縠銀泥五暈羅
裙此當是其遺製
誠之云賦洛神者擬以驚鴻遊龍復擬以秋菊春
松於麗中寫逸艷中寫淡政是詩人之致

贈浙制臺趙君隣公祖

西泠出鎮有豪雄夢到崧高第八重
鶴帶兵符來紫
禁龍携諫草入珠宮焚香夜感孤山月
一笑河清汴
水風欹枕不忘軍國事青蒲丹詔正從容

漢臣云富貴詩帶烟霞氣韜鈴詩作神仙語韓杜
俱當遠遜
誠之云如石室雪林現光明砂自是造化所鑄非
人間鎔鍊可成

新安方君任五月降辰

脩脩方季申傳書與後昆
稻梁君子氣布帛野人淳
高吟不覺河山遠袒臥空嫌晝夜頻
清風帳孫子荆
疎月簾郭子橫遙情每寄蒼鷺筆
妙染圖來朱鷺綬

半○水○天○桃○一○笑○開○籠○烟○小○棹○千○林○出○剝○兔○聚○為○君○好○
投○瓊○瑤○為○君○寶○黃○雀○花○生○黃○雀○棲○小○簷○修○竹○向○人○低○
當○地○酒○漿○纔○啜○罷○前○村○鷄○黍○復○相○攜○與○君○鼓○缶○歌○銅○
鞮○

漢臣云幽曲雋快中郎文長遺響尚在
誠之云熠熠泛蘭之露翩翩狎蕙之風可挹不可
画文人之韻絕矣

越江秋夜聽董妓言愁

幾○度○金○風○刮○短○檠○寒○衣○貼○剪○御○林○鶯○傷○心○未○許○花○含○
笑○薄○命○真○成○草○寄○生○天○竺○香○烟○籠○素○幌○西○湖○絲○管○入○

虛○箏○可○憐○人○月○雙○清○夜○杜○宇○枝○頭○泣○五○更○

漢臣云衛洗馬言愁憔悴而神不傷誠之云聽
妓言愁與聽妓誦經不作二致方許緣情盡態

錢塘漁泊

山○烟○吐○白○漾○平○沙○一○葉○孤○撐○鬪○蛤○蜊○潮○落○小○門○猶○有○
汎○漁○郎○高○唱○武○陵○花○

漢臣云絕似小杜
誠之云夢得竹枝詞耶

泥汊口

江○洲○月○白○似○浮○空○身○與○蘆○花○一○任○風○岸○壓○短○檣○何○處○
泊○幾○回○傷○歎○客○途○中○

漢臣云蕭然筆墨蹊逕之外
誠之云漂泊中自有夷然意

叔祖叔通翁贈夢月翁花甲詩時已百年矣讀
之泫然感和三首夢月翁工縣駒之曲能為我
掀髯起舞否

桃李花開春入卮○清明酌酒得遺詩○吟來樽里腸應○
斷○展○罷○河○陽○鬢○已○絲○翡翠一鈎金○絡索鴛鴦幾度玉○
交枝○惟○餘○夢○月○堂○前○柳○歲○歲○含○青○欲○染○髭○

其二

片片霜花點雪卮○初筵曾獻介眉詩○叔通佳句金千○

縷○維○吉○高○風○鼎○一○絲○誰○為○東○萊○滋○寶○樹○只○今○西○里○占○

魁枝重賡此日靈長句似拭當年父老髭○
夢月字維吉

其三

王父何曾再捧卮○兒孫空自哭殘詩○松杉古道添佳○
氣○楊○柳○新○堤○繞○翠○絲○誰○挹○酒○漿○傾○北○斗○浪○吟○風○月○鎖○
南○枝○回○仙○故○有○還○靈○術○畫○裏○燈○前○暫○拂○髭○

適屆襄周叔初度再和一首

南渡携來鸚鵡卮○能傾斗酒謫仙詩○書香不數三冬○
稻○錦○繡○何○愁○二○月○絲○人○竝○玉○山○天○半○闕○星○移○金○井○日○

高枝裁成呂氏全書就便覺蒼顏雪滿髭襄周曾訂呂氏全書

漢臣云俯仰今昔易涉靡腐此乃字字過雲繞梁誠之云詩中涉詞曲氣不得知此者方許讀此詩

題楊荆生翳然書屋

七子鳴鳩味在桑翳然天外足翱翔虛中問道宜成
狷夜半談詩可是狂宰相漫容高士臥樞垣常借少

微光與君萍水心如結二十年來共一堂荆生有七子

漢臣云中聯警絕似杜審言誠之云遠神遠韻有揚有颯

綠萼梅

斜階領取一枝琛片片瑤光籠作金影入荷池魚呷

喋香生竹苑鹿沉吟山兒剝手羅蜂蜜妓女填頭作

黛簪未許花心滋粉艷綠珠樓上只清陰

漢臣云極旁見側出之妙覺暗香疎影未免踽踽

涼涼誠之云綠萼梅耶綠珠耶綠萼華耶一時丰神都現

孔聖

孔子生局老轍環龜山吟罷又猗蘭亡猿有意侵書
社退鷁無情削杏壇季子東歸題墓絕陸通西返下
車難衰年未拭麒麟淚安得詩書手自刪

漢臣云奇情逸響與子安廟堂碑平勝誠之云集文人作孔子詩不知何處下手無一字

涉費而沫歎之斯為獨絕

王耐菴茂才新築末昌三石橋頌

家傍橫山雜小溪○徒杠初甃石梁齊○蛟冰百尺逢春○
渡魚鑰千重向午堤○草細人隨香輦北○雲生馬入畫○
樓西天津此夜誰題柱○惟見三台斗下棲○
乃郎公武登賢書

漢臣云一路寫景入畫誠之云雲傍馬頭生野橋齊渡馬俱絕妙語此詩第六句暗用兩句之意而神韻自別

胡慎三侍御得鳳尾焦一顆莖幹扶疎幾二十

四葉菁葱可愛忽焉凋落而太母虞夫人告殂

至三年服闋日重生一枝宛然二十四葉為孝

子哀樂之報云

侍御方山棲百花滋旖旎○芭苴張翠蓋莖葉相符離○
携入萱堂北窓下○慈親見之喜且詫○藏鶯小樹暗張○
帷叢碧陰陰○常似夏蜀帝遷來古魯麻○高逾十仞撐○
青霞江瀆廟前曾有之○相傳五十年一花花未開○慈○
母來花已開○慈母胎花初卸○慈母謝花既枯○慈母夜○
黃昏月半蘇○久旱天如射○有子何心步○鳴台弄玉還○
歸蕭史臺野燒動連芝○草炙山鋤不禁稻○梁菑綠珠

全五三集
耶翠羽耶珠沉閣翠憂死母歸山蕉亦爾三年憔悴
吾已矣歲方新時又春杜鵑知地氣桂子識天根當
簷半照生瑶草浥露丹苗敷綠好鳥啄龍鱗繞砌閒
風吹鳳尾敲門早一枝靈雨入泥蟠二十四氣成噴
岫燕壘脚花會不謝鵲巢留雪肯先乾孝子焦焦孝
子聞哀心已摧服闋容還斐庭前兒女喧爭說焦花
喜姚家黃魏家紫蒼翠不如胡御史

漢臣云結語有萬鈞力通首綺練特其餘事
誠之云劉越石善為悽悵之詞江文通妙於摹擬
之體能兼二嫩出之

虞山春培侄小築芝生慶母

竹廬風景自年年一滴寒瓢漱野泉
隨意採花皆妙藥無心市酒得青錢
瞻雲髣髴霓裳在愛日常如洛女前
西境珊瑚纔尺許北堂芝草又含烟

漢臣云有落花依草之韻
誠之云詠前聯真快樂勝天仙何啻浮雲富貴

錢湘靈孝廉元配陳超珍絕筆志感

君為饑驅強出門邗關一渡覓王孫
夏五二十有七日叮嚀絮語多溫存
今年穀價平慚無平價佐饔飧
今年海鹽羨又無鹽錢資麥醬
大兒體癯三兒色虛

不從師○恐廢書○欲從師○室無儲○勉依叔父學○雖鵝字
畫晶晶○辨魯魚○蝸蟾節○愁生息○鵲橋天人掩咽聞諸
酒債聲喧闐○鷺肩鴨跗相糾纏○將何稱貸金花鈿○又
聞官糈亟○胥人义手立連徵○五六秋徭役兩三及○今
年○又是甲催年○我往催人人○倒顛胥來催我○將母然
東鄰有典典○兒衣兒衣一去蚊虻飛○羞將典錢贖倉
米○倉米無多但斗許○吳興小婦索綿錢○深深拜手無
甘言○綿衣未得遮○兒女連宵又落排○墻雨肅濤箋寄
短篇○菱花褪墨花○鮮送窮窮不了○照耗燈光小○茶前

杏葉稀○桑後櫻桃少○急足報兒郎○兒郎有金儂趨踰
兒郎金盡心周章○拜江神一帆風信促書囊○蚤蚤緘
封到野塘○人生本離索○夫婦爲花萼○花飄萼不全○稚
子悲秋籜○因之嗒大悲○莫得家康樂○哆囉尼心所期○
夷醯喇身所憇○呵喇耶口所呀○摩訶薩手所羨○長跪
臨摹大士前○四百二十零七言○一點一畫心盤旋○朝
聞道夕可死○不生天欲何以蹉○跎四十春○生女復生
頰○花開果碩而已矣○獨怪圓沙一老夫○魚書雁足兩
模糊○七月十六茶毘後○酉時緘到卯時初○媳雖賢姑

不待女雖妍。不在湘靈湘。靈何弗靈。湘君一逝水。
無情超珍超。珍何弗珍。輕拋紅粉。落黃塵。友人為作
昭陽筆。拾翠分香。皆寶瑟。呂子聞之心魄飛。香山妙
相何遄飛。嗟余喪偶。亦同悲。恨不煎膏寫大悲。

漢臣云一字一轉一轉一淚回回楚楚所謂貫愁
腸於巧筆紡離夢於哀絃
誠之云歌行耶曲耶吟耶音自成文文餘於情作
手妙極今古

懷遼水佟繼亭先生為方伯壽民公祖怙恃之

戚

珠盤獻策有長楊。語笑風流鐵襖襠。關門一道兜鍪

出豐榆。細柳總披猖。山上車張幄。山下馬驚稍。電走

星馳金僕姑。王侯不敢前。枝梧生六子。皆天士。學劔

還學書。龍章紆豹尾。摘詞椒殿旁。季子稱無雙。一試

空幽薊。振策風琅璫。天子遲遲朱鳥鞞。大夫岌岌

魚班笏。錫類三朝雨。露深高堂四老膺。華秩桃李承

恩。慣向人三千。儀禮習王孫。八十年來齊尚父。隼旟

熊軾誇青春。高唐路廉叔。度恒山守來何暮。丹詔下

淄川玉節開。汾潞姑蘇出。鎮有春申畫錦芳。辰戛命

頻奕世恩光留寶儷。百年燕喜集賢親。賢親在母不

待○蓮○花○茵○苜○時○一○旦○秋○無○奈○御○女○空○傳○太○乙○書○軒○轅○
已○失○雙○娥○蓋○嗟○我○翁○亡○所○宗○秦○樓○玉○笛○暗○吹○風○嶺○外○
征○笳○叫○月○紅○人○人○盡○說○馮○唐○老○到○底○須○與○潘○岳○姣○水○
浸○無○常○荇○若○村○山○含○分○外○妻○其○島○渡○生○船○公○所○乘○漏○
澤○園○公○所○耕○賑○恤○滿○公○庭○杜○母○依○依○人○共○乳○賈○兒○歲○
歲○子○同○生○不○借○碑○文○傳○古○蹟○勾○吳○安○得○虎○長○鳴○房○山○
一○枕○千○年○地○石○鼓○飛○來○作○鳳○笙○

漢臣云排比生姿不刺不縫自然針線
誠之云吮豪而烟霞噴薄得句而瓊鞋錯落温李
復生亦當讓步

贈占恒伯九十

九○十○滄○桑○百○歲○侵○人○情○烜○冷○只○如○今○禪○安○小○院○宜○長○
日○睡○足○空○山○出○短○吟○滑○馬○臨○風○勤○着○眼○虛○舟○漾○月○不○
生○心○年○年○占○得○天○干○在○何○處○君○平○筭○六○壬○

漢臣云無懷葛天若將遇之
誠之云白香山愛空門之友邵堯夫效擊壤之聲
彷彿此意常見吾翁

壽秦母于太夫人時內翰次游請假初旋

侍○從○芳○年○未○洛○陽○承○顏○兩○世○拜○齊○姜○霓○旌○拂○拂○江○妃○
樹○花○誥○翩翩○月○姊○廊○新○學○士○傳○蓮○炬○火○黑○頭○公○送○紫○

釵香于門競說生兒好。誰信于歸衍慶長。

漢臣云衣冠風采俱在金華殿中情境雙合
誠之云美暢愜意穠纖得中

華扶翩進士尊慈陸太君初度

文宣曾擁絳紗書。未老先叨五色繡。內相有孫嫻內

則南齊無伴起南姝。皆前弄鳥兒猶怯。殿上投桃母

更趨為語賢侯休作鮮鵝湖深處長肥魚。陸贄得君號為內相

漢臣云琅琅作玉磬音
誠之云拈來自吐異采

贈和六大哥

一日春風柳眼青。六街驄馬半知名。文脚飛鳳丹青

迥。劍吐長虹紫氣凝。字裏歐詢先吏部。酒中畢卓舊

京卿。繡衣遺澤看兄弟。賴爾前旌起後生。繡衣諱貞吏部諱元

夫父子
甲榜

漢臣云俊邁之氣干霄直上
誠之云王謝少雋殊堪廻想

送錢隱君庄居 怡山

桂葉橙花兩地黃。相將村酤醉扶桑。官山不用支公

買。碓水何勞玉女椿。八口力耕吾事畢。千人爭指富

空忙。辛盤此會遺鄉老。蜡底庚申守正長。

漢臣云字字引人勝地
誠之云殊覺貧賤驕人

贈顧震來處士

山谷初聞秋蕊香。猗儺佳句入縑緗。數椽小築書聲在。一夜然藜吾道光。耆社未霑唐酒麪。兒時還覩漢冠裳。震來號號渾無事。指顧皆前語笑颺。

漢臣云滿懷感愴讀之但見冲夷繇其筆妙誠之云唐漢大樣字偏用得幽雅

金侶凡之母吳孺人二十味柏今庚子七袞矣

天桃甫唱忽傷秋。彩悅纏身幾墮樓。死與立孤憑杵臼。孀居到老遂靈修。悽悽玉女思金鑄。粲粲吳姬類楚囚。三世書香酬藥苦。遺羹却鮮總良謀。

誠之云第五六句最奇警最酸辛可作鬼神之泣

贈王經原太翁

東郊一老象虛舟。語笑忘機只自由。偶借時花占早暮。不妨小鳥聽沉浮。鶴居松頂參雲笠。人在山樓擁月鈎。若謂嘻噓能壽考。河邊姹女復生愁。

漢臣云寥天孤唳非世耳所聞誠之云調則度白雪以方潔氣則干青雲而直上

奉賀總制郎一柱公祖

早窺太乙得從龍。越棘吳鈎一路通。論古珠璣天上落。談文牛斗匣中雄。三江坐鎮諸侯賦。九坎平臨瘴

海空 詔使手擎溫語至 將錢金版紀民庸

漢臣云年麗可當碑勒此一代著作手也 誠之云絕似少陵沉雄氣槩

過濟關懷正始宗兄民部

戟門如雪擁崇臺 俛視江淮百艦開 牛角漢書隨月 去龍頭楚粽帶潮來 一堂詞客參僧語 滿地鮮花露 鬼才媿我故人詩 數冊卑猶渡口問津涯

漢臣云參差班駁千年丹翠

陳本符師節霞山房詩編幾盈萬首酌酒贈和

八斗才名 一樣推知君步武作龍威生花座上應劉

在籌筆亭前管樂誰詩到盛明 刪不去酒非殘蜀禁 何為鸞毫此日傾鸚鵡內翰文章久賜杯

其二

小杜矜秋獨夜看 參差淥水映珠盤 從來月色無高 下一任詩人定缺 園句入陰何心共朗 吟成郊島氣 猶寒山房不借倪 迂筆處處松花點翠竿

其三

寒齋琢句慎光芒 迢遞星河入古囊 字到鍾繇還有 晉詩成張耒竟無唐山蔬 細嚼椒蘭末 野鳥橫看翫

翠長除夕不須酒脯祭纖歌緩唱足芬芳

其四

水碓春雲次第裁清光偏墮海翁懷巢侵石磴行行
鳥橋壓花枝點點苔癖句不從新史得高齋誰許要
人來因何苦瘦書相憶詩草甘同酒甕埋

其五

狼籍河橋幾樹花文心灑灑入丹沙逢人不用方三
拜對酒長如溫八义歷盡蒼虬猶有骨鏤成紫鳳遂
無暇風流記室驚人句賣與淮南好古家

其六

繁華烟火半秋聲惆悵沉吟張泌情牀近水邊垂釣
滑菓懸窓下折枝輕容人瞻眺無邊樹引我歸閒有
髮僧非避月光貪睡早詩成滿案又晨星

其七

百花如繡滿平峽一老臨流獨芟衣欲奏鈞天諸響
盡長歸大雅正音希晴雲宿嶺非無待急雨敲樓若
爲伊倒戴接離閒處立還愁韓愈馬驚飛

其八

舟○過○涇○橋○兩○面○山○茅○齋○松○島○一○詞○壇○花○飛○慧○鳥○能○啣○
住○月○落○詩○人○肯○喚○還○祇○爲○高○吟○吟○不○盡○非○關○懶○去○去○
多○閒○琅○玕○徧○地○堆○蒼○雪○刪○到○紅○霞○我○亦○刪○

其九

一○地○花○茵○草○帶○齊○東○風○裁○剪○到○溪○西○深○林○有○鳥○歌○應○
細○斷○怪○無○人○曲○轉○奇○話○別○一○傾○桑○落○酒○懷○思○相○割○稻○
邊○鷄○莫○憐○皮○陸○殘○唐○後○詩○入○殘○唐○更○綺○纒○

其十

關○門○覓○義○是○桓○譚○花○在○東○林○月○在○蒼○易○意○義○皇○曾○未○

畫○詩○情○孔○聖○不○能○芟○床○頭○故○劍○留○餘○勇○階○下○新○書○助○
美○談○紅○葉○亂○雲○隨○處○得○却○疑○才○鬼○贈○琅○函○

十一

甫○里○先○生○曾○廢○詩○飲○霞○餐○露○清○冷○池○梅○黃○墮○雨○無○人○
採○鳥○白○呼○風○有○婢○知○隔○水○斜○看○魚○跳○躍○關○門○不○覺○燕○
棲○遲○口○頭○文○思○如○無○奈○花○徑○漁○郎○迷○渡○時○

十二

頭○童○齒○豁○室○人○哀○兀○對○青○編○賦○九○咳○漸○熟○詩○魔○麾○不○
去○如○何○貧○鬼○送○還○來○且○將○龍○性○馴○鷄○語○莫○以○猿○愁○亂○

鹿胎拂水濤箋將萬首門生郤顧手承頰

十三

落拓家園似放衙無心綺語學鬢髭
樵漁答問林中
鳥僧道因依水上花種竹有時掄醉日彈琴何必忌
啼鴉偶然得意書蕉葉已發春深露井芽

十四

詩有千純狐白裘家無三日魚梁謀
牛羊對岸皆飯
草兒女當窓獨呶呶文勝經溢如醉水
孝標書淫同
糟丘濡毫至老不知止星斗倒掛金罍浮

漢臣云雲烟籠葱珠璣的礫以八斗之才兼百鍊
之工傾倒如許本符一生詩癖淪落不偶得此足
慰九原矣
誠之云本符詩盈萬首却無一熟調然同社欲選
刻之甚難閱吾弟贈篇依稀見其涇臯隱居似盧
鴻草堂中有幽人吟弄不輟其詩不愧元和以後
作者豈終泯沒耶

劉震修文學偕使君 北上賦餞

桃花谿畔一飛蓬笑指銅臺雀似鴻
烟火孤村聞夜
析精藍遠院又晨鐘闍題敢作詩明府課業須為策
考功名士滿舷資獻替便將詞賦啓 宸聰

其二

風流諮議蚤思燕銜尾吳江欲到天潮大魚飛青榜
上雲高鶴倚畫船邊三秋暑地應辭葛六月涼塵可
衣綿珍重此身清白後長門猶惜尚方錢

漢臣云音吐高華結句尤見苦心古道
誠之云李郭仙舟宛然在目良友贈別自無河梁
纏綿語

賦江陵胡孟常先生理學

學憲念蒿諱
在格之尊人

坐臥荆門一蒯緱芟鋤百氏有陽秋論文末叔還題
鳳語道昌黎是拙鳩學到無心真可羨精叅太極更
何求康侯妙義龍圖續思想前徽淚暗流

其二

郢水談經似楚醪聞風爭獻玉蘭膏邵雍垂老猶含
筆張載英年便解刀鰲極不知天混沌龍門偏趁海
波濤蘇湖理學延餘緒競說君家有俊髦

其三

胸羅星斗夜傳經禮樂孤高一魯生龍入帝宮應有
氏鳳呼天闕豈無名新書不借軒轅塚籌筆還推諸
葛亭洞洞江流環震澤胡威胡質兩縱橫

其四

名自章華播洛陽欲通君相媿黃裳霏霏翠嶺連春
草澹澹芳洲變晚香知我何如蘧伯玉為人應對沈
諸梁瑤臺月墮修文館復照三吳翰墨場

漢臣云談理學英藻續紛所謂出樂令口必無腐
談誠之云瓊雪玉膏沁腑溢肝令人咀味不盡

讀天全宗翁典學識大諸書

平生博雅好精廬左右編摩獺祭魚互有短長三國
史隨人軒輊六朝書籠中鷄語何平叔筆底蛟騰董
仲舒天祿下摻遺乘在婁東逸史備諮諏

漢臣云尚論今古不差一黍
誠之云天全翁編葺甚富無嗣不知落於誰手幸
存名目於此詩以俟其出有時耳

聞琵琶

頭上青青燕子沙佳人入幕展琵琶芳心錯記鶯啼
序二月先歌柰子花

漢臣云旖旎多姿色
誠之云錯記又錯歌若說有所憶便淺

村兒

村兒莫入城入城花滿闌村婦莫歸來歸來月滿隣
酒壺頻向火茶具獨探津津不息火不滅鐘漏三更

歡未歇冰上老人徒苦寒人間兒女何其熱

漢臣云不必有所指尋味無窮
誠之云炎炎世界冷眼看破都是村兒村婦愛聞
熱耳

薔薇花中有名佛見笑者

真佛不知笑笑者非禪妙若謂此花真花笑佛亦笑

漢臣云以嬉笑作佛事可續笑笑先生贊
誠之云得轉語好便是作詩三昧

秋夜

魚蝦泗夜月蜻蛉叫寒飈小謝驚人句星河滿地秋

漢臣云刻露

杜康巷

名公如麩藥詞賦洒郛筒入座無衣煖哀猿何處松

漢臣云酒國長春風光掠盡

堦下

鷄冠生甌瓿金鳳輝墻壁葉嚙青蟲餘花蜚蝴蝶隙

誠之云秋光欲滴

宿四留齋與周亨之劉子長夜話

酒深占藥力茗盡得泉香不到三更漏安知五夜長

其二

蛙聲能亂雨。梧葉不堪秋。且作楊花毯。長眠到白頭。

漢臣云堪作清供
誠之云只可自怡悅

夏口城下

曉曉日色上魚罾。傍竹漱流只自吟。芍藥引人三月
興芙蓉。知我半秋心。丹花不盡書本草。美酒何須醉
管涔。亭午雞聲聞欲倦。回仙鐵笛正江潯。

漢臣云絳仙眉嫵秀色可食
誠之云閒淡中有含蘊

李太白

和蕃草就更宜唐。御手調羹赤鳳肪。每賦三湘存客

意長眠七寶醉。天香籃輿竹杖陶彭澤。語鳥奇花李
賚皇冷艷。有時名競出。驕人何必古田方。

漢臣云意氣飛動覺供奉鬚眉如見
誠之云陶之重觴忘天李之銜杯樂聖正與太白
神似偶然拈舉自妙耳

麗人

彩衣垂悅幾摩抄。盧婦還同柳毅過。度繡一時登閣
少買花。三月上樓多。金蓮踏藕香難散。玉笋吹簫韻
易和。烏鵲喚人開綺戶。雙棲翠鳥不如它。

漢臣云艷不入靡風雅之遺
誠之云願為雙飛燕銜泥巢君屋似此含情

宿瘤女歌

齊閔當年愛宿瘤。乍登賢闈衣絲紉。三十六載成金甌。女有瘤猶可謀。敵有瘤不自修。一旦奔亡首父丘。鄒滕魯薛皆蠻髦。淖齒來東帝休鳴戲。宿瘤如可留。大共小共稱藩侯。安得田齊天子如贅疣。

漢臣云直書其事美刺已具孤傲隱然誠之云說宿瘤關係如許齊尙有說王四殆備後宮者真二奇婦也

新婦吟

尚女貴姜姬。出入慎其縞。纒喫田蠶飯。藝彼菑菽稊。

浴非當新雨。栽菱趁宿泥。樹小花能發。沙明雁未西。舞鸞方對鏡。睡鴨且焚離。夫翁呼餽餼。夫婿呼餽餽。嗟彼桃天子。手指纖柔萸。不施楚家髻。不珮越家觿。所議惟酒食。中饋本無奇。

漢臣云直是一篇女訓誠之云莊語中自帶幽趣

贈華象孺文學為余壻雲九尊人

野老天之餘。逡巡水上居。刪書同艾艸。好古若觀魚。不羨荊州貴。安知灌水愚。憶昔少年曾逐鹿。梁相五車看不足。紙落烟雲生。夜珠詞臣相顧。開心目而今。

槐柳陰平沙敢復天朝去獻瓜四海文章成樸楸庭

陰百果砌新花言詩每得江山助作賦能題冰雪義

何必盧家多紫氣唐光韓愈此爭誇伊坦侯渭陽索贈

漢臣云落落有高韻誠之云為老措大吐氣如有龍光射墟

奉和顧震雉水部孟秋侍饗太廟兼呈舊來

銓部

新承俎豆已三秋親政後樂浪風和清磬浮斗浥神

漿迴湛露盥醜天酒偃旄頭九州錫類蘋蘩遠五廟

銘勲劒履稠膳肉乍盼歸第日駑駘皆得度前驅

漢臣云初唐應制中佳什誠之云音節亮氣韻和

祝馬銓部玉筍尊慈

翩然書帶擁天香織女于今獻報章且負縹囊來泗

水不妨巾幘破南陽兒孫競寫甘泉賦老大猶懷藜

苜腸閨閣深深聞燕語君家恭儉足垂堂

漢臣云用古出人意表誠之云閨闈中有丈夫氣亦有儒家氣妙手

冬日送曾庭聞孝廉北關水次

詩思隨霜下歸心入暮鴉雲深滋雨脚寒重沍冰叉

知我言無葉疑君筆有花書存故交去騷客倍嗟呀

漢臣云清越孤迥絕似庭聞之詩與人
誠之云用筆花亦涉套却於冬日上生情便佳

周櫟園總憲南歸白下龔芝麓少司空作詩十
章送之境上余忝年未亦效顰爲之 彼以贈
予以迎義有攸分叶韻小異想河梁之作不厭
其嗾嗾也一憲署

肅肅周昌理皂囊緋衣御史總含霜登朝必數誰忠
佞過闕還思已短長競說揚鞭歸贛府無端負杵入
虛梁秋曹早礪天街石得奉 溫綸復故裳

二閩碑

黃蘗山頭去飲灰臣心如冰浸虛危龍江不敢貪金
瑣翠羽何知愛翟輦唯有荔枝從客好無如惹苴作
讒媒沙民百萬遮車憶說與三臺解網回

三懷家

王粲思家淚暗垂繁華村市半荒蕪歸心不住牽衣
帶坐客無邊送酒杯欲傍醉鄉尋驛使但聞花氣是
江梅長干細雨黃昏後旅雁于今學子規

四恩釋

獬豸何如麋鹿安蕭蕭行李渡頭看月歸青道宜張

火○星○入○天○船○起○釣○竿○繡○辰○君○恩○烜○似○日○尊○湖○客○意○
午○猶○寒○陳○彭○菹○醢○蕭○何○繫○漢○法○于○今○獨○肯○寬○

五登車

臺○號○黃○金○只○素○沙○魯○褒○常○自○歎○無○鏃○脚○蹶○馬○宿○闌○干○
草○慎○倒○人○懷○躑○躅○花○墟○婦○竚○看○中○火○飯○菴○僧○留○獻○下○
山○茶○敢○云○遷○客○身○如○洗○范○蠡○亡○家○又○作○家○

六問渡

馬○足○躑○躑○不○耐○闌○丹○楓○飛○逐○蓼○花○灘○人○迷○後○騎○徒○傷○
櫂○水○咽○前○船○未○到○關○坐○久○却○忘○明○日○事○行○來○強○半○別○

家○山○江○洋○每○憶○零○丁○句○笑○指○龍○潭○一○夜○還○

七過江

抗○疏○當○陽○忍○就○跽○烏○臺○門○外○幾○迤○迤○空○囊○莫○惜○詩○文○
債○逆○旅○何○辭○酒○麩○錢○淮○水○欲○留○春○尚○早○江○舟○不○速○路○
難○擊○依○稀○紅○樹○南○宮○日○肯○賜○孤○臣○作○老○禪○

八抵里

江○東○米○價○復○何○知○一○二○兒○童○強○自○支○季○子○札○亡○懸○劍○
少○沈○諸○梁○在○畫○龍○非○漁○村○漠○漠○孤○燈○現○馬○渡○迢○迢○候○
火○希○池○館○蒼○涼○明○月○恨○只○今○鷄○犬○故○人○依○

九再起

春殿果愚久不開。家書一紙滯江淮。人棲兩地哀員。俶淚盡三年泣。上台中使手擎鴈。鴈至官人懷抱火。齊來紅雲映。入烏衣巷。共說東山賭墅才。

十服官

朝回猶聽玉漏。褫執法端門。一電鞭北斗。橫天如立。仗房星拱極。為臨軒休云。龍臥珠還。伏應識蟾沉月。正懸平道。進賢趨相府。昭容爭引御車旋。

漢臣云樂園為風雅領袖交游意氣絕類少陵政績出處畧同玉局十詩以麗筆寫偉人如吳道子

作十八學士圖神采煥發氣韻生動當為騷壇傳寶

誠之云弟詩多似溫李此十首却似錢劉然又似賴古堂中七言律之清新俊逸者豈所謂同心之言耶

讀書之要曰虛曰專。勗蓮頤兒暨徵公。諸猶子

萬卷從何妙義尋。虛專兩字是丹箴。三更月靜參無極。九日山高數大林。自盡不辭窮已力。難降惟有上人心。能將驕氣時時掃。垢面蓬頭總入深。

漢臣云字字沁心嘗一見香令威儀閑止靜氣迎人知其所得于庭訓深矣誠之云弟以虛專二字作讀書之要以清慎二字作居官之要鳳毛振起將益大其業此詩見香令

勒爲座右銘可卜繼述矣

家貞九暫憇小桃源卽有終南之行附施雅芳

遙贈

穹窿天勢本高寒對子深深夜氣完瀑布入川千丈
水緋桃出洞一枝蟠蟬知尸解批風信鳥學靈符呪
射干却粒僅存鑲子骨終南半日已回鸞

漢臣云蒼秘直逼丹經誠之云貞九却粒尸解兩俱有徵然不得下壽仙家固輕視彭錢耶

爲施有一尊慈湯太君七十慶

鴻○鴻○雙○棲○學○繡○衣○荆○門○深○鎖○麥○柴○扉○不○膩○朱○唇○家○莧○
菜○暫○籠○香○袖○野○薔○薇○而○今○珍○錯○滿○几○案○猶○然○井○李○膾○
之○中○母○也○廉○只○不○爲○兼○只○銀○缸○清○淺○燈○蛾○泄○短○帶○長○
縑○成○妙○袂○焰○落○殘○花○不○耐○挑○針○穿○弱○線○無○多○摺○而○今○
筐○篚○徧○法○黃○猶○然○促○織○鳴○中○堂○母○也○勞○只○不○爲○惜○只○
玉○節○先○生○蒲○柳○湔○羅○江○秋○怨○泣○珠○鈿○刀○尺○未○安○空○學○
剪○一○鈎○新○月○向○誰○圓○而○今○歲○寒○心○不○改○男○角○女○羈○猶○
父○在○母○也○端○只○不○爲○嬖○只○夢○裏○吞○桃○如○有○實○周○情○孔○
思○皆○其○出○教○兒○須○用○赫○蹏○書○吮○盡○珊○瑚○雙○架○筆○而○今○

玉○藥○動○星○輶○賦○就○長○揚○猶○賈○晁○母○也○燕○只○不○為○倦○只○

漢臣云兼銘誥之體而出之愈秀愈古誠之云壽言中最奧最奇之作可垂金石

袁重其尊慈八十味

袁○子○字○重○其○眉○公○多○褒○辭○因○兒○重○其○母○子○以○霜○哺○詩○
詩○文○傳○海○內○少○長○皆○歔○歔○孀○秋○二○十○九○大○兒○甫○三○朞○
尚○有○呱呱○弟○懷○中○飼○餽○飴○教○以○畫○荻○書○儼○如○對○宣○尼○
重○其○年○十○四○了○然○分○澗○淄○蘭○亭○十○七○帖○依○倚○王○獻○之○
出○與○公○輔○遊○體○弱○姿○邗○邗○寧○為○黔○婁○餓○不○為○王○戎○肥○
風○情○何○曠○灑○胎○教○元○清○奇○天○亦○憐○其○志○子○以○將○母○資○

每○歸○北○堂○下○諄○諄○前○致○詞○云○是○仁○者○粟○非○力○不○敢○遺○

慈○幃○見○之○喜○開○顏○享○其○醢○母○飯○兒○亦○飯○兄○麋○弟○與○麋○

不○知○田○真○子○何○故○裁○荆○枝○四○海○本○同○氣○一○堂○燃○荳○其○

耨○鋤○有○德○色○箕○踞○無○威○儀○吾○悲○古○風○薄○還○悲○孝○子○希○

三○年○懷○不○免○五○十○而○慕○非○重○其○年○五○十○猶○然○孺○子○依○

百○里○擔○斗○粟○斜○陽○走○荒○埤○十○里○擔○斗○酒○躑○躑○風○浚○微○

却○車○抵○堂○上○願○母○無○憶○兒○憶○兒○心○肝○碎○月○落○五○更○時○

憶○兒○倚○門○問○不○如○雕○梁○鴟○吾○媳○亦○勞○止○乳○姑○含○清○染○

嗟○彼○寧○馨○兒○忍○餓○東○西○馳○違○母○纔○十○日○胸○次○生○茅○茨○

譬如母違子何堪一夜思人稱袁孝子孝子烏乎知

斑斕舞堦下嘻笑如愚癡仁者送以言驚喜不自持

為母誦一通字字皆倫彛但如霜哺曲何必歌屢屢

漢臣云以詩代傳唐人詩史之體然非薪齋筆力

非散即緩正不易作誠之云霜哺篇傳有數卷此詩膾炙人口予謂名節母名孝子名詩人皆從極苦心中出耳

遊用甫弟鄉庄

一犁新雨暮柴車倒看藤花到白榆
鴉有聲秧半

絲官河烟柳不如渠

漢臣云觸物指點令人生散髮入林想誠之云柳絲不如秧莫呆看好三復之不解亦不

必解

鶯花詞

黃昏露冷花含顰因甚林鶯啼早春
花睡故教兒掃院鶯啼莫喚女當門

漢臣云諷諭深遠誠之云與打起黃鶯兒同得風人之旨一直一婉各臻其妙

福州榴花洞

荔枝紅沸西湖月橄欖青回石竺沙
可惜藍超身漸遠不知身後有榴花

漢臣云花木考中艷語

秋思

烟籠樹色芙蓉淡。人到秋深楊柳顛。麋罍不施無鹿地。雁箋常寄有鴻天。

漢臣云妙在只作絕句偏饒古意誠之云麋鹿鴻雁字拆開用甚新

代妓送友

上巳池頭別故人。紛紛彩艫倍傷魂。汀烟許渡三春柳。送與蕭郎染綠裊。

漢臣云世情語乃爾淡秀誠之云汀烟贈別出代妓詞中自是雅人深致

湯潛儒茂才患背痾人意其必死竟不死乃更

號忍菴於八月懸弧之辰索詩慰藉

湯子之生非偶然。雄文藻辨方青蓮。懷屏有意橫滄海。捉月何人直上天。天生奇士嬰奇疾。終夜呻吟長。鬢策有人子。我忍辱書分明。仙子殷七七。今日不言亦不知。嗶呶嚙。遭人嬉。出門欲理中懷事。寒暄之外無他辭。親如九族不相顧。夔蛇蠶蜀何其忤。予心清頰自支持。得返靈臺依故步。喜當八月採靈禾。又見重陽韭葉莎。蠨蛸在戶蝶還在。螳螂不少蟬亦多。

婆娑此夜月華白。焚香置酒呼前客。當函語鳥解催。詩啓戶秋聲能作拍。愛我憎我吾何尤。沙中雍齒且封侯。人生歌訕等閒事。與爾同觀海上鷗。

漢臣云見道之言足當一服清涼散。誠之云胸吞雲夢八九大言何當靜關世情風波中自有息念處非根器人豈足與語此

吳父母伯成鼎建譙樓頌

方今治平誰第一。吳公政理如春日。化漸童子雉雛。安玉井不乾。軍市估古麗。譙邑之標聽國是。數民謠女史香爐空切切。暮鼓晨鐘今聞歇。望氣何能鎖亢。

金占天。但許飛危月。公過之心怵然。參于前。若倒懸。金鳧閃爍長春院。薄俸慚無改作錢。勉已力。儲羣策。鳩鴻工。開廣宅。巨靈高坐湖之西。華蓋孤撐六甲齊。畫棟三重失三島。威儀赫赫排銅鞮。九龍山。二泉水。登斯樓。瞻百美。潘令花生滿縣晴。紅蓮晝漏夾鷄聲。熊軾乍經元日市。鰲車爭戲六街燈。吳公勤。官寮先豎魯般門。吳公恪。不用罟魚馴鳥雀。吳公清。獨坐層欄寫素經。吳公敏。百尺璇題飛隼樓。之前兩鹿臥。芊眠樓之後。一鶴漱孤烟。樓之左。文士栢許可樓之。

全五三集
右胥吏。嵌金鎖樓之上。蘇瓊瓜。一雙樓之下。包拯烏
幾行士見之。嘯且歌。民見之。舞且嗟。醉臥沙堤。人不
識。翱翔單父。吾之職。吳公閣就。雨三時。崔鷗圖成。雲
五色。

漢臣云。穎川謠。東郡吟。却從滕閣岳樓中。寫出掩
映點染。離合無迹。與會標舉。霞飛虹貫。勝事雄篇。
當與治平第一之名。並垂不朽。
誠之云。以姚鉉賦水法作麗譙篇。覺使君為政
流橫見側出。如烟雲之噴薄於山川也。

